

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina (PoBOX: 61)
REGISTROVANO KOD: OPĆINSKI SUD SARAJEVO, MBS 65-01-0419-11; JIB 4200088970001; CARINSKI BROJ:
200068970001
RAČUN: UNICREDIT BANK D.D. BIH, 3386902296481517

Vrsta dok.	Izdavač	RB
DOP	2 01	1188

Strana:
1 od 1

Broj protokola: 02-1-04-7-4333-34/21

JAVNO

DATUM: 23.09.2021. god.

PRIMALAC: REVIK d.o.o. Sarajevo
GRANT THORTON d.o.o. Banja Luka
N. CONSULTING d.o.o. Sarajevo
BAKER TILLY RE OPINION d.o.o. Sarajevo
MERFI d.o.o. Sarajevo i
ASKOM d.o.o. Sarajevo

PREDMET: Obavijest: Nabavka robe usluga - Eksterna revizija finansijskih izvještaja za period 2021. – 2023. god.

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku usluga: Eksterna revizija finansijskih izvještaja za period 2021. – 2023. god., provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, kao najpovoljnija ponuda ocijenjena je ponuda ponuđača GRANT THORTON d.o.o. Banja Luka.

S poštovanjem,



DOSTAVLJENO:

1. Ponuđačima
2. Kabinetu direktora
3. Sektoru komercijale
4. Sektoru za PKO poslove
5. Sektoru finansija
6. a/a





UPRAVA DRUŠTVA	Strana: 1 od 2
Broj protokola: 02-1-04-7-4333-33/21	JAVNO

Datum: 23.09.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke usluga: Eksterna revizija finansijskih izvještaja za period 2021. – 2023. god., broj: 04-6-04-7-4333-32/21 od 23.09.2021. god., Uprava J.P. Međunarodni aerodrom "SARAJEVO" d.o.o. Sarajevo postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, dana 23.09.2021. god., donosi

ODLUKU

I

Kao najpovoljnija ponuda za nabavku usluga: Eksterna revizija finansijskih izvještaja za period 2021. – 2023. god., ocijenjuje se ponuda ponuđača GRANT THORTON d.o.o. Banja Luka, broj 278-01/21 od 16.09.2021. god., zavedena na protokol Naručioca pod brojem: 03-04-7-4333-19/21 od 20.09.2021. god., koji je ponudio najnižu cijenu za navedenu nabavku u iznosu od: 30.000,06 KM, bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci usluge iz tačke I ove Odluke, kojim će se regulisati međusobna prava i obaveze ugovornih strana.

III

Izabrani ponuđač je, u roku od 7 (sedam) radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu, originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku usluge: Eksterna revizija finansijskih izvještaja za period 2021. – 2023. god., direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-4333-16/21 od 09.09.2021. god., a Rješenjem broj: 02-1-04-7-4333-30/21 od 20.09.2021. god., imenovao Komisiju za provođenje postupka.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-2-345-8-64/21 od 09.09.2021. god. Do ostavljenog roka za predaju ponuda, 20.09.2021. god., do 12,00 sati, na adresu Naručioca, ponude je dostavilo 6 (šest) ponuđača, i to: REVIK d.o.o. Sarajevo, GRANT THORTON d.o.o. Banja Luka, N. CONSULTING d.o.o. Sarajevo, BAKER TILLY RE OPINION d.o.o. Sarajevo, MERFI d.o.o. Sarajevo i ASKOM d.o.o. Sarajevo.

Na javnom otvaranju ponuda, koje je održano isti dan u 12,30 sati, uz prisustvo predstavnika ponuđača REVIK d.o.o. Sarajevo pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

- Pregledom ponude ponuđača REVIK d.o.o. Sarajevo, Komisija je konstatovala da ponuda nije dostavljena u skladu sa tačkom 2.1. Tenderske dokumentacije **Uslovi za učešće i potrebni dokazi, pod n)** kojom je traženo: Potvrda izdana od druge ugovorne strane, privrednog društva - ne finansijske institucije!, kojom se potvrđuje da je u posljednje 3 (tri) godine (01.08.2018.-01.08.2021.) ponuđač uspješno realizovao 1 (jedan) posao revizije **finansijskih izvještaja** privrednog društva, koje je u trenutku revizije imalo minimalno 13.350 obračunskih bodova u skladu sa Tarifom revizorskih usluga (Sl. novine FBiH 52/15).

Potvrda mora obavezno da sadrži tačnu vrijednost ugovora, tačan naziv ugovora, tačan period pružanja usluga i tačan broj obračunskih bodova koje je revidirano društvo imalo u prethodnoj poslovnoj godini, ili elemente na osnovu kojih se oni mogu izračunati (uposleni, prihod, imovina).

Komisija je konstatovala, da je ovaj ponuđač dostavio potvrdu JP BH POŠTA d.o.o. Sarajevo kojom se potvrđuje da je ovaj pravni subjekat izvršio reviziju finansijskih izvještaja u JP BH POŠTA d.o.o. Sarajevo za 2018., 2019., i 2020., god. uključujući i **IT reviziju**. U dostavljenoj potvrdi nisu nigdje navedeni obračunski bodovi, a niti traženi elementi potvrde (broj zaposlenih, prihod i vrijednost imovine privrednog društva), na osnovu kojih bi se oni mogli izračunati.

Imajući u vidu naprijed navedeno, Komisija je konstatovala da je ova ponuda formalno-pravno neispravna i neprihvatljiva za Naručioca.

- pregledom ponude ponuđača GRANT THORNTON d.o.o. Banja Luka, Komisija je konstatovala da je ova ponuda formalno-pravno, tehnički i računski ispravna i prihvatljiva za Naručioca, sa ponuđenom cijenom u iznosu od 30.000,06 KM.
- pregledom ponude ponuđača CONSULTING d.o.o. Sarajevo, Komisija je konstatovala da je ova ponuda formalno-pravno, tehnički i računski ispravna i prihvatljiva za Naručioca, sa ponuđenom cijenom u iznosu od 30.006,00 KM.
- pregledom ponude ponuđača BAKER TILLY RE OPINION d.o.o. Sarajevo, Komisija je konstatovala da je ova ponuda formalno-pravno, tehnički i računski ispravna i prihvatljiva za Naručioca, sa ponuđenom cijenom u iznosu od 30.006,00 KM.
- pregledom ponude ponuđača MERFI d.o.o. Sarajevo, Komisija je konstatovala da je ova ponuda formalno-pravno, tehnički i računski ispravna i prihvatljiva za Naručioca, sa ponuđenom cijenom u iznosu od 30.006,00 KM.
- pregledom ponude ponuđača ASKOM d.o.o. Sarajevo, Komisija je konstatovala da je ova ponuda formalno-pravno, tehnički i računski ispravna i prihvatljiva za Naručioca, sa ponuđenom cijenom u iznosu od 30.006,00 KM.

Komisija je sačinila Spisak prihvatljivih ponuda i konstatovala da je ponuđač GRANT THORNTON d.o.o. Banja Luka, ponudio najnižu cijenu ponude u iznosu od 30.000,06 KM, ostali ponuđači čije su ponude ocijenjene prihvatljivim cijene u iznosu od 30.006,00 KM.

Za ovaj postupak nabavke nije bila predviđena e-aukcija.

Kako je Odlukom o pokretanju postupka nabavke kao kriterij za izbor najpovoljnijeg ponuđača utvrđena najniža cijena, Komisija je konstatovala da je ponuda ponuđača GRANT THORNTON d.o.o. Banja Luka najprihvatljivija ponuda za Naručioca, uz ponuđenu cijenu navedenu u dispozitivu ove Odluke, pa je predložila Upravi J.P. Međunarodni aerodrom "SARAJEVO" d.o.o. Sarajevo, da se ugovor dodjeli ponuđaču GRANT THORNTON d.o.o. Banja Luka.

Uprava J.P. Međunarodni aerodrom "SARAJEVO" d.o.o. Sarajevo razmotrila je dostavljenu preporuku Komisije, te je, nakon uvida u cjelokupno provedeni postupak, istu prihvatila, i na osnovu člana 64., a u vezi sa članom 89. stav (3) Zakona o javnim nabavkama i članom 21. stav (1) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, te u skladu sa članom 6. Poslovnika o radu Uprave, dana 23.09.2021. god. donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

Prilog: Zapisnik o pregledu i ocjeni ponuda.



DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a